



17/05/2014

## **NOVITADS DALLA SUPRASTONZA COMMUNALA**

### **Brat da terren a Triel**

Il baghetg dall'ustria a Triel vegn spazzaus ed construius da niev. Per quei motiv vegn fatg in brat da parcelas denter la fatschenta Bergbahnen Piz Mundaun AG e la vischnaunca Lumnezia per che las pendicularas sappien realiser il project sin agen terren.

### **Davos Munts**

- Bruno e Claudia Caduff ein vegni elegi sco novs migiurs dil menaschi a Davos Munts. Il menaschi da stad entscheiva il zercladur e cumpeglia l'ustria cul kiosk ed il bogh.
- La puntina sur il lag e la tenda da sulegl per affons vegnan remplazzai per la summa da rodund CHF 30'000. La vischnaunca da padrinadi Herrliberg contribuescha CHF 20'000 en favur dallas lavurs.

### **Sentupada Vignogn**

Enteifer las lavurs da manteniment el baghetg dalla Sentupada vegnan las duschas sanadas ella proxima etappa. Persuenter vegn in credit da CHF 29'000 deliberaus.

### **Via d'uaul Alpetta Camuns**

La via d'uaul vegn sanada el rom dil project collectiv avertura 2014. Las lavurs d'impressari vegnan surdadas alla fatschenta Valaulta Berni SA, Rueun, per la summa da biebein CHF 96'000.

### **Menaschi forestal**

Per survegnir contribuziuns cantunalas e federalas eis ei necessari da schar elavurar in plan da menaschi ed in plan commercial per il revier forestal. L'incarica ei vegnida surdada a SilvaING, Glion, per la summa da rodund CHF 15'000.

### **Lubientschas da baghegiar**

1. Projects da publicaziun
  - Arpagaus Ciril, Borgia Stgira 50, 7142 Cumbel; Niev local da deposit a Linaus/Morissen, parcella 3353;
  - Societad da baghegiar Sumsiaras; Disfar dus baghetgs a Sumsiaras, parcelas 4287/4288, el vischinadi da Vella
  - Caminada Fridolin, Cons 156, 7149 Vrin; Suosta a Cons, parcelas 9282 / 9285
2. Intents da baghegiar tenor art. 40 e 50 OPTGR
  - Cuminonza da condomini Culegna / Retus Blumenthal, Tavla 79A, 7145 Degen; Lavurs da manteniment a Tavla/Degen, baghetg 79B, parcella 8462;
  - Arpagaus Adolf, Giudem Vitg 52, 7142 Cumbel; Ulivar via d'access e metter crappa sin via communal Giudem Vitg/Cumbel, parcella 2156;
  - Cabalzar Gion Flurin, Sur Baselgia 110, 7148 Lumbrein; Deviazium aua da tetg a Curvien/Lumbrein, parcella 5623;
  - Casanova-Albin Gion, Sumaseras 72A, 7147 Vignogn; Lavurs da manteniment a Fontaunas Novas/Vignogn, baghetg 103, parcella 7005;
  - Trümpy Monika & Jakob, Sut Baselgia 52, 7147 Vignogn; Lavurs el curtgin Sut Baselgia/Vignogn, parcella 7288;
  - Foppa-Güttinger Giusep, Vitg 29, 7147 Vignogn; Remplazzar finiastras a Vignogn Vitg, casa 29, parcella 7314.